

此方八天

蓬內伐此 旗程遶車 翠儀交蔚

九化方諸 英丹心旆 滂濟玉羅

根納赤尾 大龍游波 勝室耀蕩

兵府紀銅 累遠追寧 建餘百聰

右爛水洞 瀋杵箕臺 勅催甯高

變仙神迴

道言此諸天中大梵隱語無量之音舊文刻書玄明此山龍阿穴室之門為萬物生根九天靈章其道禁諱隱真無闕字皆廣長一丈天真人昔書其文以為正音有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大功真王保舉上真道備剋得遊行三界昇入金闕此音無所不辟無所不權無所不度無所不成天真自然之音也故誦之致飛天下觀上帝遙唱萬神朝禮三界侍軒群杖束育鬼精自亡琳琅震響十方肅清河海靜默山嶽吞烟萬靈振伏招集群仙天無氛穢地無林塵冥慧洞清大量玄玄也

元始無量度人上品妙經卷之五十二

會二

十七

正一天師清微弟子 洪百堅 製作

道教學術資訊網站

靈寶無量度人上品妙經卷之五十三 會三

斬滅五行邪怪品

道言昔於玉靈天中明景謠歌大威神土受元始度人斬滅五行邪怪無量上品元始天尊當說是經周迴十過以召十方始當詣座天真大神上聖高尊妙行真人五帝真官明威大將斬邪騎吏陰陽三五總統官曹紫微神兵無鞅數衆乘空而來金暉映虛寶輿仙聽華光羽蓋纏鬚展霞萬景交朗燦耀八圓七日七夜十方仙真層樓寶闕洞化相通天網停個星絡正度神風微扇妙霧凝香氣象融和海嶽澄清一園地土山川林木緬平等無復高下土皆作華玉瑩鮮五明之色衆真侍座元始天尊玄坐空浮景耀神龍御化天元之座說經一遍諸天大聖同時稱善是時一國男女斷滅五慾之情說經二過五化隆昌說經三過五縛順躩說經四過五氣常平萬物咸亨說經五過五常不擾道治日新說經六過五運推協無有乖愆說經七過五文顯布玄教開明說經八過五神守正威用

宣張真氣充溢蠲蕩不祥說經九遍五精固  
養保有靈光說經十遍五行之內邪怪俱亡  
是時一國是男是女莫不傾心皆受護度咸  
得長生

道言是時元始天尊說經一遍東方無極無  
量品斬滅青精邪怪至真大神無鞅之衆浮  
空而至說經二遍南方無極無量品斬滅赤  
精邪怪至真大神無鞅之衆浮空而至說經  
三遍西方無極無量品斬滅皓精邪怪至真  
大神無鞅之衆浮空而至說經四遍北方無  
極無量品斬滅黑精邪怪至真大神無鞅之  
衆浮空而至說經五遍東止無極無量品斬  
滅火行遊精邪怪至真大神無鞅之衆浮空  
而至說經六遍東南無極無量品斬滅金行  
遊精邪怪至真大神無鞅之衆浮空而至說  
經七遍西南無極無量品斬滅水行遊精中  
央黃精邪怪至真大神無鞅之衆浮空而至  
說經八遍西北無極無量品斬滅木行遊精  
邪怪至真大神無鞅之衆浮空而至說經九  
遍上方無極無量品斬滅天元五行邪怪至

真大神無鞅之衆浮空而至說經十遍下方  
無極無量品斬滅地元五行邪怪至真大神  
無鞅之衆浮空而至十遍周竟十方無極斬  
滅五行邪怪天真大神一時同至一國男女  
傾心歸仰來者有如密雲細霧無鞅之衆

國一半土皆傾陷非可禁止於是元始化一  
圓象大小無常燁耀五色在空玄之中去地  
九丈元始登引天真大神上聖高尊妙行真  
人五帝真官明威大將斬邪騎吏陰陽三五  
總統官曹十方斬滅五行邪怪至真神王紫  
微神兵三天給事無鞅數衆俱入圓象之中  
天人仰看惟見拂拂從圓象中入既入圓象  
不知所在國人靡散地還平正無復歎陷元  
始即於圓象之內說經都竟衆真監度以授  
於我當此之時喜慶難言法事粗悉諸天復  
位修敬之間寂無遺響是時天人過值經法  
普得濟度全其本年無有中傷傾土歸仰咸  
行正心不敬不陷不誑不佞不狠不悞不戾  
不乖不嫉不惡言行平直智識剛明齊同慧  
悟異骨和同國安民康欣樂冲融經始出教

一國以道預有至心宗奉禮敬皆得度世  
道言元始天尊說經中所言並是諸天上帝  
內名隱韻之音亦是真魔內誹斬滅五行邪  
怪百靈之隱名也非世上之常辭上聖已成  
真人通玄究微能悉其章誦之十過諸天讚

誦五靈敬侍金木水火土合并神粹凝和  
毒害不生混養內化洞冥至真邪怪鬼祿無  
緣而興至學之士誦之十過則五帝鑑觀九  
真舉仙邪試滅迹怪禍永蠲道業保固善行  
克全所以爾者通感五行之神蕩伏邪怪召  
制威靈克成至道和合真氣保育人命得躋  
玄境降會高真不死而已豈復更生輕誦此  
章身則被殃供養尊禮門戶興隆世世昌熾  
與善因緣萬災不干神明護門斯經尊妙獨  
步玉京度人無量為萬道之宗巍巍大範德  
難可勝  
道言凡誦是經十過諸天齊到十方斬滅五  
行邪怪之神勦絕魔精五行之內不為殃禍  
災咎永消用保福祥而運化常寧安鎮率土  
普承玄恩仁壽富樂清靜自然也上學之士

修誦是經消除邪害通氣清真世人受誦則元真受妙感念永忘全其壽年後皆得受鍊度之道寬神暫滅不經地獄即得返形遊行太空此經微妙普度無窮一切天人莫不受慶無量之福生死蒙惠上天所寶不傳下世至士齋金寶致心盟天而傳輕泄漏慢殃及九祖長役考官侍經五帝玉童玉女各三十六人營衛神文保護受經者身道言正月長齋誦詠是經召上元將軍斬滅五行邪怪不正之妖即使天界墜廓七曜常明七月長齋誦詠是經召中元官將斬滅五行邪怪不正之精保衛兆民使其生十月長齋誦詠是經召下元官將吏五嶽兵馬斬滅五行邪怪不正之靈安鎮天下慶祐君親歷世綿長後天而存八節之日誦詠是經召天地四方八極兵馬却絕魔靈順布五氣長養生成本命之日誦詠是經召天元九宮星宿真官威殺之神檢校命錄五行邪怪祛斬滅蹤五神守正萬氣資形生道靈堅超連上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐青黃赤三色雲氣之中內外竊實有青龍白虎朱雀玄武師子白鶴羅列左右日月照明洞煥室內項生圓象光映十方如此分明察呪曰无上玄元太上道君召出臣身中三五功曹左右官使者侍香玉童傳言玉女五帝直符直日香官各三十二人關啓所言今日吉慶長齋清堂修行至經無量度人願所啓上徹徑御无上三十二天元始上帝至尊凡前畢引系三十二過東向誦經

非道不顯非道不明非道不立非道不真錯沴結霧邪怪流形自然神德祛伐無停是為妙範玄上之宗太極玉闕金闕靈都陰陽元會三氣之樞浩浩元氣乍合乍殊青琳玉宮始暉妙庭壙臺積霄昊和耀晶大周十境羅絡彌綸中有調運五行順化之神中有宰御玄極生育之君中有誠秋破害大神中有仙靈寶籙官君丈人中有陰陽三五七九明威正一定命尊神斷滅邪怪無量度人今日枚錄諸天臨軒東方無極飛天斬邪滅怪神王長生大聖無量度人南方無極飛天斬邪滅怪神王長生大聖無量度人西方無極飛天斬邪滅怪神王長生大聖無量度人北方無極飛天斬邪滅怪神王長生大聖無量度人東北無極飛天斬邪滅怪神王長生大聖無量度人

東南無極飛天斬邪滅怪神王長生大聖無量度人

西南無極飛天斬邪滅怪神王長生大聖無量度人

西北無極飛天斬邪滅怪神王長生大聖無量度人

上方無極飛天斬邪滅怪神王長生大聖無量度人

下方無極飛天斬邪滅怪神王長生大聖無量度人

十方至真飛天斬邪滅怪神王長生度世無量大神並乘震霞寶輿仙磁華光羽蓋騶衛三元官將十極仙靈建斬邪之節滅怪神幡前嘯洞真之曲後詠靈虛妙歌紫鸞玄鶴吟嘯相和天蓬啓途龍虎翼棘儀象萬騎浮空

而末傾光迴駕監真度生天關內宰火鈴上曹監察大魔威禁玄靈紫清主錄監度大神執魔仗鉞大布威靈齊奉帝符檢錄五行察制萬類造化靈司山河海嶽經緯星躔八溟九壘十二官辰祛蕩穢忒乖泯之愆束縛惡

精邪怪之形不得怠縱逸肆魔群元始告命初使神兵斬邪無獨開化生津保安正道迴度劫輪真機變鍊妙氣敷榮人無疾橫神德合明永度世厄與天齊齡超出三塗絕離苦難越昇魔界遊上玄上玄之天天帝鬱廷無色之境梵行

東方八方  
玉儀明度天 帝忽同題蘇  
寂玄通正天 帝寥逸初  
輔覺鎮陽天 帝秀丹琬觀

始明運修天 帝辯盈子通  
靈澤隨化天 帝海光洞珠  
方洞曆皇天 帝去害無盡  
京基耀光天 帝波斯普臺  
紫麟召仙天 帝福長生

南方八天  
太妙壽辰天 帝寶策紫微  
頂光履真天 帝道極松呈  
存玄慶智天 帝頓布谷仁  
傳靈滅魔天 帝斷邪蕩魔

顯生變身天 帝陰穴露堪  
赤寶垂安天 帝益鹿香機  
錫禧祐明天 帝冕婁沙庸  
洞光敬玄天 帝何童歷聰

西方八天  
神文示宗天 帝玉基上元  
虎蒙世標天 帝梵無廷康  
遊真虛用天 帝謁昌華龍  
正氣符剛天 帝逸育規  
測神問封天 帝宣幽述真  
奏功證道天 帝運常明  
烈地會冥天 帝號希淵途  
誅怪通政天 帝處彥那靈

北方八天  
禁鑿言无利天 帝瓊敷仙  
高蒙泰微芥寒天 帝鳳華飛網  
洞悉幽虛禮剛天 帝文何德揚  
九迴轉德恩榮天 帝陀逸清  
曉慎息康存天 帝陽文子持  
北清總司天 帝判皇極洞

帝判皇極洞

玄微察命天 帝壽蒙寶成

鑿神按獄訊靈天 帝望曠夷卿

三十二天三十二帝諸天隱諱諸天隱名天  
中空洞自然靈章諸天隱顯五行之音五行  
之尊五行之神五行大魔五行之靈九和十  
合變化上清無量玄奧深不可詳敷落神真  
普度天人今日欣慶受度歷闢諸天請滅怪  
惡斬絕邪源調運五行功參大元真王鎮御  
道氣開宣東極化木西極生金此極凝液南  
極激炎中極上宮合會四玄青帝衛生白帝  
欽德赤帝蕩秋黑帝收毒黃帝中王萬禍俱  
息木行大魔飛光寶龍火行大魔耀天紫童  
金行大魔返神會容水行大魔駕氣乘風土  
行大魔劫霞洞穹五行大魔萬神之宗部率  
神官出入幽冥橫戈擁甲萬騎雲奔統攝威  
伐與道同倫玉天開化察錄神斡靈明通泰  
蠲却無前玉樞流擲烈鏡八延三將馳驅四  
帥揚播攫天觸爛擊雷散烟敢有干試拒過  
上真金錢前戮巨天後刑掃除邪怪風火無  
停千千截首萬萬剪形魔無千犯鬼無枚精

三官北鄴明檢鬼管不得容隱金馬驛呈壽  
告無窮萬神咸聽三界五帝列言上清

玄元妙紀五氣開皇眇眇大混混化微茫上  
施神華下布靈光纏綿元梵羅絡乾坤剛柔  
相感序列五行五行相運造育生成推蕩無  
滯和合歸真妙道彌綸運度自然五真流演  
升降回旋施養生化燐氣如泉五用順常萬  
類滋繁勝氣傍凌兼位而遠淫則為癘邪怪  
起源出為崇杖民物銜冤上帝勅斬數落五  
篇赤書玉字八威龍文保制劫運使天長存  
梵氣彌羅萬範開張元綱流演三十二天輪  
轉無色周迴十方旋斗歷其回度五行三十  
五分總氣上元八景冥合氣入玄玄玄中太  
皇上帝高真泛景太霞彌詠洞章金真朗郁  
流響雲管玉音攝氣靈風聚烟紫虛鬱秀輔  
翼萬仙五氣混合自然成真真中有神太極  
元君三天真老大混尊神太一司化三五神  
官執符把錄保度靈真上遊上清出入華房  
八冥之內細微之中下鎮五嶽上安九天中  
理五氣混合百神十轉迴靈萬氣齊仙五行

邪怪斬滅無干高明紫微流轉諸天掌世羅  
福與道同玄仙道貴生無量度人炎炎五星  
飛天如輪下維九宮上開八門罪福禁戒宿  
命因緣普受開度五行生身身得受生上聞  
諸天諸天之上各有生門中有五行空洞之  
章真王靈篇辭參高真

第一化生五行飛空之音

大梵未開 無形無名 二儀分兮  
位列五行 東青西素 南丹北玄  
元一中黃 五氣相循 各有主性  
與道變遷 此為道根 色質相連  
寶臺玉宮 碧山金門 上真仙聖  
無量帝君 冥冥之中 運合真神  
錦豬黃蛟 紫蓋朱輪 皆真五色  
隨化成形 息意冥一 分化億千  
超度三界 飛空結仙 此道世莫知  
真王當普宣 神霄數萬里 金闕相輝鮮  
飛神恍惚間 萬聖馳雲耕 世途念流轉  
使我常哀憐 何如向玄道 妙本晤所歸  
邪怪盡淪息 長居玉帝前

第二斬滅五行邪怪之章

天元太乙	帝司主兵	護衛世上
保合生精	華衣繡裙	玉冠青巾
青龍左列	白虎右賓	佩服龍劍
五福之章	統部神官	三五將軍
檢校陰陽	運合元機	五行邪怪
莫不傾摧	有邪必斬	有怪必摧
敷祐福祥	啓悟希夷	邪怪已消滅
五帝降靈威	護世過萬年	帝德日熙熙
黃龍下中天	帝壽天所期	神霄空洞章
秦香綠烟飛		

第三和合五行歸身契道歌曰

太虛玄妙神	空洞幽无君	生於渺濤中
造化標元根	澆漠居正性	返照滅邪氛
消魔怪害除	冲融和至真	昭昭智慧鋒
威伐叱妖群	五濁安能擾	明輝華景形
佩服靈寶章	雲光煥爾身	玉符鎮內景
龍虎纏胎嬰	水火金木交	混一宗皇靈
巍巍御絳闕	冥冥理百精	誰知年劫運
長保無窮齡	舞輪三界外	翱翔登九清

此三界之上飛空之中真王歌音參洞章誦之百遍名度南宮誦之千遍魔王保迎萬遍道備飛昇太空過度三界位登仙公有聞靈音邪怪滅形劫制地祇護度生民消拔禍難超越惡津七祖昇遷永離鬼群鬼度朱陵受鍊更生是謂無量普度無窮有秘上天文諸天共所崇泄慢墮地獄禍及七祖翁道言此二章並是諸天上帝及至靈真玉隱秘之音皆是大梵之言非世上常辭言無韻麗曲無華宛故謂玄奧難可尋詳上天所寶秘於玄都高上神霄玉清王府東館藏室依玄科三萬七千年應運下傳若有至人齋金寶貨心依舊格告盟玉清然後而付焉道言夫五行氣逆則淫僭自生陰陽勃亂則邪怪乃作乘節隨氣利害乃興凡有此災至士皆當齊心修齋六時行香十遍轉經福德立降消諸不祥無量之文普度無窮道言夫五行衰絕則命數終盡三元愆否則元氣凋微末學道淺仙品未充運應滅度身經太陰臨過之時同學至人為其行香誦經

十過以度屍形如法鬼神徑上南宮隨其學功計日而得更生轉輪不惑便得神仙道言五行之氣出為邪怪則致天地運終星宿錯度日月失明四時失度陰陽不調國界不寧兵火時起疫毒流行此民死傷師友命過皆當修齋行香誦經則五行邪怪之鬼聞經鎮制呼其姓名稱說根本因緣之狀叩首請命永不敢干經隱妙道及以真符無不禳却也夫齋戒誦經功德甚重上消天災斬滅邪怪保鎮帝王下攘毒害以度此民生死受賴其福難勝故曰無量普度天人道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人刻得為聖君金闕之臣諸天記人功過毫分無失天中真王亦保舉爾身得道者乃當洞明至言也諸天中大梵隱語無量音 道君撰元始靈書中篇 東方八天 橙俞离瓊 律角冥外 棋羅屈丹

妙頴楚僅 雲霏瑤閣 利逸謹慧  
 參鐸鶉房 偃管生記 珠煥陽甯  
 符梁照昧 鄧格燕盡 冒德施隨  
 青郁洛汶 華光擇匱 嬰環何容  
 枳墩陸會

南方八天

曉曉奎常 九暄柏枝 漾朗冀洋  
 琢英明住 卜慮整曜 丘捍驛催  
 救溢秉琅 圖倨金夷 渺歷定籌  
 恒佑慈理 涓淵牛童 加那彥東  
 楚路松思 以龍任棘 觀綿炳懟  
 金庭蕭仙

西方八天

鈕陶紀延 洞留啓宣 角躍東虛  
 疾通敬端 招定純微 益素廬全  
 騰秉紹宣 竺路芽慙 濟幽忻淵  
 文邦師漬 寥幾泰元 布庸疑拳  
 直野魔池 振薦琅析 昆漠未映  
 靈枕完怖  
 北方八天


列晤宣定 耿澄微榮 鑑萌資條  
 陽璉印部 膳但瓊拂 拯紀盈剔  
 撰慈窺冥 番波以石 仙潭碧洙  
 友向肆亭 聿琳序演 繁調持屏  
 闕屢靚沐 洋略扁飛 雷族咸厓

蹟真皇微


道言此諸天中大梵隱語無量之音舊文字  
 刻書太極東臺喬城之上喬城為五行出入  
 之墟以正分度經變造化順隆時符字皆廣  
 長一丈天真皇人昔書其文以為正音有知  
 其音能禱而誦之者諸天皆遣日直仙吏飛  
 玄大神下觀其身書其功勤上奏諸天萬神  
 朝禮地祇侍門大功真王保舉五辰道備魁  
 得遊行三界昇入金門此音無所不辟無所  
 不禳無所不度無所不成天真自然之音也  
 故誦之致仙吏下觀上帝遙唱萬神朝禮三  
 界侍軒群秋東首鬼精自亡琳琅振響十方  
 肅清河海靜默山嶽吞烟萬靈振伏招集群  
 仙天無氛穢地無秋塵冥慧洞清大量玄玄  
 也

元始无量度人上品妙經卷之五十三


新減木宮邪怪靈符




新減火宮邪怪靈符




新減土宮邪怪靈符



斬滅金宮邪怪靈符



斬滅水宮邪怪靈符



靈寶無量度人上品妙經卷之五十四 宮四

斬滅不祥品

道言昔於始青天中紫陽泛歌大福樂土受元始度人斬滅不祥妙品元始天尊當說是經周迴十過以召十方始當詣座天真大神

上聖高尊妙行真人靈威神王黑天玉京大將斬邪賊毒威兵巨魁伏魔誅寇都吏無鞅數衆乘空而來寶雲接天明霞覆海瑤車玉輪珠景垂陰飛華妙光疊彩葱蒼森映碧空三日三夜諸天宮殿山川谿谷混交九色三辰定照五斗停機四極運明神烟澄霽一困地土都鄙人物迭相鑿燭萬身入於一身一影普涵萬影色空同顯神氣合冥邈邈若等無復高下土變柔碧洞徹九虛衆真侍座元始天尊玄生雙景廻旋神龍天寶之座說經一遍諸天大聖同時稱善是時一國男女天身淨睦妙香飄馥說經二遍天境高嚴九霄散綺說經三遍沆露凝珠寶林綴網說經四遍天籟成音瓊金流響自然法唱讚詠冲玄說經五遍水光湛瑩海嶽呈祥說經六遍

飛仙揚花彌空錦色說經七遍靈威降世掃滅氛說經八遍三界蒙福人道安寧說經九遍六氣順常三災消殄說經十遍天真下濟說法度人是時一國是男是女莫不傾心皆受護度咸得長生

道言是時元始天尊說經一遍東方無極無量品靈威勅法大神無鞅之衆浮空而至說經二遍南方無極無量品靈威斬妖大神無鞅之衆浮空而至說經三遍西方無極無量品靈威斬鬼大神無鞅之衆浮空而至說經四遍北方無極無量品靈威斬精大神無鞅之衆浮空而至說經五遍東壯無極無量品靈威典獄大神無鞅之衆浮空而至說經六遍東南無極無量品靈威斬邪大神無鞅之衆浮空而至說經七遍西南無極無量品靈威飛符大神無鞅之衆浮空而至說經八遍西北無極無量品靈威吐毒大神無鞅之衆浮空而至說經九遍上方無極無量品靈威九首大神無鞅之衆浮空而至說經十遍下方無極無量品靈威殺伐大神無鞅之衆浮